



TOSHKENT DAVLAT YURIDIK UNIVERSITETI REKTORINING B U Y R U G ' I

27.02.2025

188-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2025-yil fevral oyida universitetning Ommaviy huquq fakulteti tomonidan fakultet talabalari o'rtasida universitet Odob-axloq kodeksi normalari va Ichki tartib qoidalariga amal qilish holati o'rganilganda Yurisprudensiya yo'nalishi 1-kurs talabalari Asadov Sherxon Baxriddin o'g'li 3-fevral kuni, Ro'zimov Diyorbek Daniyar o'g'li, Mamadiyev Valijon Urol o'g'li, O'rmonaliyev Umidjon Murodjon o'g'li, Xudoyberdiyev Xabibullo Bekzod o'g'li 10-fevral kuni, 12-fevral kuni Abdug'ofurov Abdulaziz Dilshodbek o'g'li, Maxsudov Maxsud O'tkirovich, 13-fevral kuni Vaisov Bekzod Rasul o'g'li, 19-fevral kuni Rahmatov Elyorbek Abdurashid o'g'li, Davlat va jamiyat boshqaruvi yo'nalishi 1-kurs talabasi Nurmatov Sardorbek Xoshimjon o'g'li 10-fevral kuni, Nurxonov Ozodbek Orifjon o'g'li va Nasvaliyev Ozodbek Aziz o'g'li 12-fevral kuni universitet hududida tamaki mahsuloti chekkanlik holati aniqlandi.

Talabalar Sh.Asadov, D.Ro'zimov, V.Mamadiyev, U.O'rmonaliyev, X.Xudoyberdiyev, A.Abdug'ofurov, M.Maxsudov, B.Vaisov, E.Rahmatov, Sh.Nurmatov, O.Nurxonov va O.Nasvaliyevdan ushbu holat bo'yicha tushuntirish xati olinganida, haqiqatdan ham universitet hududida tamaki mahsuloti chekkanligini tasdiqlab, qayta takrorlamasliklarini bayon etgan. Vaholanki, talabalarga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalariga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar Sh.Asadov, D.Ro'zimov, V.Mamadiyev, U.O'rmonaliyev, X.Xudoyberdiyev, A.Abdug'ofurov, M.Maxsudov, B.Vaisov, E.Rahmatov, O.Nasvaliyev, O.Nurxonov va Sh.Nurmatov mazkur harakatlari bilan TDYU Odob-axloq kodeksi 17-moddasi to'qqizinchi xatboshisi talablarini buzishgan.

Shuningdek, Davlat va jamiyat boshqaruvi yo'nalishi 1-kurs talabalari Urunov Nazarbek Nurbekovich va Shokirova Gulsanam Shuhratjon qizi 2025-yil 13-fevral kuni dars jadvaliga muvofiq Axborot texnologiyalari modulidan o'qituvchining ruxsatsiz telefondan foydalanib, mazkur modulga taalluqli bo'lmagan ish bilan shug'ullanib, dars mashg'ulotiga e'tiborsiz o'tirganlik holatlari aniqlangan.

Talabalar N.Urunov va G.Shokirovalar tomonidan ushbu holat bo'yicha tushuntirish xati olinganida, haqiqatdan ham dars mashg'uloti paytida tegishli modulga aloqador bo'lmagan ish bilan shug'ullanib o'tirganliklarini va o'qituvchi ruxsatisiz telefondan foydalanganliklarini tasdiqlab, qayta takrorlamasliklarini bayon etgan. Vaholanki, talabalarga muqaddam universitet Odob-axloq kodeksi normalari va Ichki tartib qoidalariga amal qilmaganligi sababli ogohlantirish berilgan hamda o'rnatilgan tartib-qoidalarga takroran amal qilmasa tegishli tartibda "hayfsan" intizomiy jazo chorasi qo'llanilishi mumkinligi to'g'risida ma'lum qilingan.

Talabalar N.Urunov va G.Shokirovalar mazkur harakatlari bilan TDYU Odob-axloq kodeksi 21-moddasi birinchi xatboshisi talablarini buzishgan

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 17-moddasi to'qqizinchi xatboshisi va 21-moddasi birinchi xatboshisi, Toshkent davlat yuridik universiteti Ichki tartib qoidalarining 83-bandi hamda Ommaviy huquq fakulteti dekani Sh.Saydullayevning bildirgisiga asosan

BUYURAMAN:

1. Universitet Ommaviy huquq fakulteti talabalari Asadov Sherxon Baxriddin o'g'li, Ro'zimov Diyorbek Daniyar o'g'li, Mamadiyev Valijon Urol o'g'li, Maxsudov Maxsud O'tkirovich, O'rmonaliyev Umidjon Murodjon o'g'li, Xudoyberdiyev Xabibullo Bekzod o'g'li, Abdug'ofurov Abdulaziz Dilshodbek o'g'li, Vaisov Bekzod Rasul o'g'li, Rahmatov Elyorbek Abdurashid o'g'li, Nasvaliyev Ozodbek Aziz o'g'li, Nurxonov Ozodbek Orifjon o'g'li, Nurmatov Sardorbek Xoshimjon o'g'li, Urunov Nazarbek Nurbekovich va Shokirova Gulsanam Shuhratjon qizlariga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):

mazkur buyruq bilan qo'llanilgan intizomiy jazo chorasini fakultet talabalari o'rtasida shu kabi holatlar takroran yuzaga kelmasligi, ularda dars mashg'ulotlari hamda professor-o'qituvchilarga bo'lgan hurmatni shakllantirish maqsadida barcha talabalar e'tiboriga yetkazish choralari ko'rsin;

ushbu holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va

ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Katta yuriskonsult

A.TURSUNOV



Direktor

SH.PO'LOTOV

